

Kubo denuncas israelan agreson kontra? Libano kaj usonan kunkulpecon en agresema eskalado



Israelaj atakoj kontra? Libano

Havano, okt 1 (RHK) La prezidento de Kubo, Miguel Díaz-Canel, denunciis hodiaŭ per X, la trudenirojn de la israela okupa armeo en la teritorio de suda Libano, kaj vokis ĉesigi la senpunecon de cionisma agreso en la regiono.

En sia profilo pri la partnera reto, la ĉtestro emfazis, ke "dum la 79-a ĝenerala Asembleo de UN estas en kunsido, la risko ke barbareco iĝu naturigita pliiĝas en Mezoriento.

Post unu jaro da genocido sur Gazao, Israelo nun lanĉas sin kontraŭ Libano. Cionismo pli kaj pli similas al naziismo. Sufiĉe da senpuneco, emfazis la prezidento.

En la sama platformo, la ministro pri eksteraj aferoj de Kubo, Bruno Rodríguez, denunciis hodiaŭ la kunkulpecon de Usono en la tera invado iniciatita de la israela armeo en suda Libano.

La kuba ministro pri eksteraj aferoj asertis, ke tiaj agoj estas farataj kun la milita, loĝistika kaj politika subteno de la usona registaro, kiu - li notis - daŭre pruvas, ke ĉi ne interesiĝas pri paco en la regiono.

Rodríguez atentigis, ke la komenco de la israela invado estas tre danĝera eskalado de la konflikto en Mezoriento.

Antaŭtage, la israela armeo komencis la invadon de siaj trupoj en libanan teritorio kun la subteno de la aerarmeo kaj artilerio, "kontraŭ terorismaj celoj kaj infrastrukturoj" de la grupo Hizbulaho, per decido de la registaro de Benjamin Netanjahu, markante novan eskaladon en la konflikto de preskaŭ jaro.

Fonto: PL

<https://www.radiohc.cu/eo/noticias/nacionales/366485-kubo-denuncas-israelan-agreson-kontra-libano-kaj-usonon-kunkulpecon-en-agresema-eskalado>



Radio Habana Cuba